

Nouva manadra per la regiun da Scuol da la BCG

Cilgia Rest surpiglia la funcziun da Richard à Porta pels 1. schner 2020

Cuaira, 24 schner 2019 – Pro la BCG, regiun da Scuol, daja ün müdamaint da direcziun. Richard à Porta, daspö blers ons manader, va in pensiun per la fin da schner 2020. Sia successiun surpiglia Cilgia Rest, la manadra actuala da marchà da las intrapraisas pitschnas e mezdanas (IPM) a Scuol. Ella cumainza sia nouva incumbenza als 1. schner 2020.

Pro la regiun da Scuol da la Banca Chantunala Grischuna (BCG) daja ün müdamaint da direcziun. [Richard à Porta](#) (annada 1959) va in pensiun per la fin da schner 2020. El ha cumanzà in avuost dal 1978 pro la BCG ed es daspö lügl 1995 manader da la regiun da Scuol. Richard à Porta resta pro la BCG fin a sia pensiun als 31 schner 2020 e cun quai procura'l per üna surdatta optimala. La Banca Chantunala Grischuna til ingrazcha fingià hoz per seis grond ingaschmaint d'ürant blers ons e til giavüscha tuot il bun per la prosma etappa da vita.

Sia successura es [Cilgia Rest](#) (annada 1975). Ella es creschüda sü a Susch ed ha lavurà dal 1994 al 2005 pro la BCG. Davo duos oters ingaschamaints professionals es ella tuornada dal 2010 pro la banca. Daspö il november 2013 è'la manadra da marchà da las intrapraisas pitschnas e mezdanas (IPM) a Scuol. Cilgia Rest surpigliarà sia funcziun da manadra da la [Regiun Scuol](#) als 1. schner 2020. In avegnir maina ella üna squadra da 24 collavuraturas e collavuratur ed ha la respunsabilità pel sez regional da Scuol culs löös da Müstair, Samignun e Zernez. La direcziun gratulescha cordialmaing per l'elecziun e tilla giavüscha bler success.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11
Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018: 8 da favrer 2019
Radunanza dals participants: 4 da matg 2019
